


沈乃文 主編

明別集叢刊 第五輯

第七十四冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第七十四冊

黃山書社



(明) 陶汝鼎 著

榮木堂集二十七卷

清順治康熙遞刻本

榮木堂集序

舊史陶密菴詩文名海內垂四十
季公二庫如出水芙蓉如臨風玉
樹是昔所傳褐玉堂寄雲樓諸刻
也晚歲息影為山穉忍頭陀伯子
五徽編次先後稿合訂為榮木堂

郭序

集刻成委序於予二曰陶公呂詩
又傳乎惟陶公之詩文迺傳耳予
和公生同里長同學出處患難同
時同志今兩人冉二老矣回憶公
方十齡落紙成詩錚錚總中出
應有司試督學徐亮生先生名家

也驚喜得異才拔冠湖南數郡
呂里選入成均會

上幸太學群英咸集廷臣交章請復
高皇積分法大司成顧公九疇少司
成倪瓊圃陳明卿年兄前後承
旨試六館之士並奏公文壓卷

郭序

天子首披其牘

詔除五品官不拜乞留學待對公
車其時季不滿三十詩文詞翰名
動長安有楚陶三絕之譽制誥大
篇多為詞林藉手則公詩文之傳
蚤在科名前豈待今日今日所傳

者露章數語華於中允之鬱輪袍也陰房兩載榮於供奉之扶醉上殿也呂此傳之天下後世可呂不朽矣若夫沉酣六籍振筆千言瀟沅性靈字之鮮潔此公胎骨中帶來而且懷古抗今足跡半天下所

郭序

三

至煙雲滿囊格律亦經數變方寧澹寡營息大用所學於當世亡何兵燹頻仍鬼狐充斥姑仗策呂規江左垂涕而受拾遺於是哀時命弔戰場尚有不盡於詩若文者晚復以凌霜噉雪之肝腸赴斂鳳戈

鴻之羅罽面臺之髮自晞湘水之魂復返人在坎壈壹鬱到此無處開口烏知皆公之詩文登峰造極時也集中騷賦登昭明之樓樂府奪西涯之壘至於歌行近體空色妙香有澹宕若秋雲之舒卷者有

郭序

四

激楚若驚鴻之歷亂者有讀未終篇而感慨嘻吁淚隨語墮者有一字一呌絕為之大笑發狂者真毫髮無遺憾矣古文雜記遇物賦形呂史遷之章法寫坡老之縱橫所謂浩然聽筆之所之平生極樂之

事無逾此者今季躋六袞一切放下惟翰墨淋漓日滿戶外之履鶴鳴子和將比於大小瀉山公之人可呂不侯詩文傳而詩文之可傳者又如此予於老友不能無妬焉矣

郭序

五

僧隱頑石

原名

鄧都賢拜手

題於流寓之補山堂



榮木堂集

較閱姓氏

郭都賢 夢菴

漢陽

王泰徵

嘉生

江陵

李元問

梅公

吉水

胡承諾

君信

江陵

趙開心

洞門

長沙

杜詔先

于皇

黃岡

成克鞏

青壇

魏博

吳驥

既閑

竟陵

尹民興

洞庭

嘉魚

曹胤昌

石霞

西陵

許宸

菊谿

南陽

黃周星

九煙

江南

榮木堂集

姓氏

高世泰

彙旃

無錫

劉自燁

杜三

攸水

黃中通

抑公

晉江

張先翼

宿南

江陵

陳丹衷

旻昭

秣陵

洪其道

聖功

江陵

程正揆

端伯

孝感

李善篤

仲生

潛江

蔣鳴玉

楚珍

金壇

鄭先民

質生

潛江

方以智

密之

桐城

李善承

嗣遠

潛江

楊玄錫

康侯

晉江

江有溶

谷尚

星沙

楊于光

晉江

黃鈞

伯宣

星沙

蕭應泰 景征 燕京 黃 鈺 仲宣 星沙

胡景曾 沂菴 星沙 趙而升 友沂 星沙

張維堅 石臣 山陰 郭金臺 幼隗 中湘

洪吉臣 載之 錢塘 唐世徵 魏子 中湘

李昌祚 文孫 瑞川 朱之宣 子昭 湘陰

周龍甲 霖公 淮上 謝錫祿 叔孚 中湘

王文南 報菴 江陵 石開雲 見五 中湘

汪煉南 冶夫 黃岡 郭良史 野臣 濟陽

崇本堂集 姓氏

二

譚 篆 王章 竟陵 陳 震 長公 星沙

方咸亨 邵村 桐城 金先聲 五鐘 江陵

賦序

六經四部煌煌日月而刪詩不列於國風
爲楚文人萬世之憾然且闕宮之篇膺懲
之辱後世楚人童而讀之白首稱說而不
敢以爲懟楚人尚氣矜志節安在哉所繇
大聖人予奪進退準天理依忠孝是時聖
情畢於宗周吾楚事方僭稱特屈筆黜之

崇本堂賦序

尊天貴王之義耳不然江永漢廣楚之幅
員則方思泳思楚之士女方采入二南而
乃不得同諸列國有是理哉曾天不愛道
帝自愍忠不數千年而吾楚江潭大夫乃
得以愛君愛國之性纏綿忠孝絡繹心血
騷問歌章於三百篇外另墜一格上以似
續雅風下卽高魯詞賦舉九州萬禩哀悲

吟歎之心竟畢集於此而列國曾不能與之爭然則繇夫前者聖以忠孝黜楚人楚人不敢懟繇夫後者天以忠孝進楚人楚人乃不啻與會盟而司萬世牛耳矣至今命騷曰經騷與賦人尚以爲才人詞人之能事也哉吾友陶子仲調天賦靈均性成正則自其年未舞勺以奇才特達與予

宋本堂賦序

二

同受知於督學經陽馬公之門當時之人或靡不知有兩童子者矣願予以汎愛好嬉廣已造大而無實僅存其志仲調讀等身書語妙天下淡靜高簡徃徃文驚獨座不使人熱其面孔而仲調去人遠矣慄慄肅肅處盛名若虛亦似蓄其精氣以有所用者於時開元天寶之間元祐熙豐之際

文人有喜而無憂著述多歡而少歎謂仲調似屈江潭不可得見予嘗與王嘉生胡君信吳旣閑張別山諸子確擬爲才人中董賈云國亡家破身傍崩崖侶三閭之佐議不酬歎楚懷之入秦不返忠憤之壺每不欲生乃不禁託諷巫咸悅情質帝寒山諸賦之所繇作也今讀其賦廣大麗則似

宋本堂賦序

三

班張絕艷驚才似江陸靈迴酸楚似庾鮑予亦何能爲諛獨念奇才淵學若仲調享大名若仲調空山抱膝鳳舉鴻冥其文不用以美新而用以惜誦其才名不用以策馬而用以抽思其霓裳羽衣不用以飭新粧而用以悲徃日更不用以賦長楊而用以思美人今且耽懽悴聽枯槁似醉似忘

不計其餘陶子真愚人之心也哉楚騷具
在哀怨難明百世而下讀寒山堂諸賦者
不必悲其遇當推其志矣時在龍湖報菴
朽人莊誦而爲之序

丙申歲仲春楚鶴澤同學弟王文南

手題



榮木堂賦序

四

榮木堂集卷之一 賦

楚長沙陶汝鵬燮友父著

今名蒲延

男之

典輯

昔遊賦 有序

某弱冠壯志早遊關隴四方弧矢五度公車足
跡半海內矣一旦江山陸沉風雨驟至怨梁鴻
不逃海曲疑駱丞尚在人間歿且苦塊焚荷山
陽聞笛委風流於草莽傷王會之黍離遊笈所

榮木堂集卷之一 賦

一

經每縈夢寐此古所以策勸於西州簡授於江
上也畧述往事率爾謀篇賦曰

緬天壤之沈寥信烏兔之漭沆鬱山川以糾繆貯
今古之滄桑人生其中藐若一粟耳英者負雲而
絕壑雄者爭先而處疆哀螻蟻與蟣蝨若旋磨而
隱禱廼有憐源謫人朱陵逋史茂齡遠心九志自
擬雖處一室意若萬里或舉或放或浮或沉者三
十季徒欲追魯山之處其俗續河汾之著元經其

不能亦已見矣乃負硯晴塢坎珂學書則蕉木皆
枯看劍而蓮花欲墮耻爭魑魅之光益悟風雲之
巨土室毀於騎兵鄴架焚於鬼火氣奪如囚情幽
顛鎖出門皆有礙又安能遊方之外而學惠之可
哉於是灑然而悲還思昔遊笑尚平迂隱侯莊子
長豪馬周馳情魏闕寄想浮丘賦期風送心畏雲
留或公車挾策或乘輿登舟指江南之柳分繫馬
泛河上之槎分牽牛閨少壯以至強仕始秦嶺而

榮木堂集 卷之一 賦

終炎州足跡固已半天下矣歷歲時者二十三秋
往復言之猶能駕憂何則伊川原之無垠擴生平
之皇覽慕秦關兮棄繯訪漢庭兮抱槩涉沅澧渡
江漢想峴山之緩輕企隆中之明澹咸陽潮陵雲
飛雨暗懷古之歌非穉亦感遂至迦蘭而窺河竊
欲資識以生瞻盼太華兮玉井指驪山兮故宮原
黃金而輟雨湯朱砂而浩紅昔稱百二之府今分
第一之柯記莫詳於濟岳經必正乎蔡邕求輞川

兮詩中之畫撫藍關兮雪裏之松細蘭帖卧碑峒
圖金城嘆新豐唱伊涼詠邠風瞰沘河兮綠玉望
葱嶺兮碧瞳亦旣辯涇渭之合注識周陝之分雍
矣抑又數季公車出壑望淇澳兮玉芻迷鄴宮兮
銅雀南比會汴東西視洛巨天心兮靈虹紫河身
兮神閣嵩高氣象乎中原伊水壑蹶於正學庶幾
思羲璣之占商周之盛漢魏之所以雄五代之所
以促宋之所以彊弱差足自壯矣又將唁比干之

榮木堂集 卷之一 賦

孔書慨羨里之八索經博浪以歔歔過朱儼而淚
落彼紛紛者黃梁各夢未免妮耶耶之倡覓趙王
之藥吾益信呂嵒張果之笑人倒青驢而跨黃鶴
也哉若夫燕趙慷慨之俗箕尾王會之都奄紫荆
迴白溝睨玄瀛睇黃圖豁焉界金銀而成府聳瓊
玉以周廬明堂辟雍兮禮樂龍宮鶴禁兮金吾題
六館賦三都常環橋以進御屢射策而陳膚雖則
動乙覽窺宸漢簡連城奪講喻過選人於銓曹代

視草於玉除朕而淹春官之五色徒習視乎天上
之九衢噫嘻吾將擬張衡續班固而逡巡于捺觚
也數不得意流覽九丘彼青兗弁徐楊接楚尾而
吳頭山東之川岳何古六朝之煙水將秋於是泛
天津出陶丘摩日觀兮秦碑無字瞻闕里兮枯檣
重抽詢元君之石室上李白之酒樓探眉山之帷
石酌范老之清湫觀山海者心盡於鄒魯何必訪
蓬萊而踏芝罘雖朕眊此者服其淳古遊東南

榮木堂集 卷之一賦

四

者償其秀清鎮巫祈潛寶鼎開炎坐諸磬瀆瀟霍
離立斗牛縱橫頌淮海濠滁之交壤歎帝王將相
之迭生泗還匹沛漢若兄明緣江濱兮瀝澗得寢
闕兮崢嶸德祖寔今之賈父孝陵卽我之周京於
是浮楚州循邗溝詠壘花過瓜步寫淮陰之碑載
高沙之酤數橋醉月翌亭喜雨橫浦口兮烟閣接
眞州兮花霧睥睨六代之城漱灑三江之路巍巍
白門天作洪武閣外樓臺則牛首燕磯靈谷雨花

闕下丹青則鷄籠武湖秦淮桃渡黃屋閉而六典
猶張紫陌長而千庑並鋪貴從今流水軒輶詞客
兮濫觴油素匪秦漢之離宮寔文獻之玄圃鱗集
者各有懷來而我獨蕭朕巾屨洗笙歌綴文酒樓
吳書看奇奔紅雪命篇庚辰刻紅雪朝雲索賦悅
五寺之棲禪共羣公而玄對者非一度矣其間酌
中冷採江瑤登北固賦金焦臨真宰之痊瘳歌漢
武之射蛟雲中九子天外三茅采石兮拳勝綈絺

榮木堂集 卷之一賦

金山兮逸獸誰教蓋豐鎬之極觀也續得取以擬馬當之水含廣陵而觀胥目之濤湖瞻其
震澤彭蠡之森森江則錢塘淞陵芙蓉潯曲之瀾
涵非張帆以入雲卽廻舸而借巖莫不澤雨其
鯢負嶽以戴鼇內則惠泉虎丘之冶麗林屋天竺
之高深玄墓雲棲之遐淨光福梅塢之寒香馬嘯
靈隱之奇詭黃山白嶽之妍幻富春蘭陰之蒼翠
鴛湖象山之芳清洪崖爛何龍虎之玄奧者滄海

秀而寫岩巖外則匡廬香爐之名貴難在名星之
浮沉兩孤石鐘之泃漂庾亮滕王之樓閣鷗鷺旌
城湓浦之烟嵐者漾巨浸而盪青霄予常披風當
懷覽雲拱背時西山南浦兮將歸時漢奔鸚洲兮
告始所至之處輒令人憶或選勝以焚膏或尋芳
而薄醉或銷夏以丹鉛或辟寒于紅翠春晴則探
梅採茗鑒辯幽香秋興則串月乘潮暢言雅事金
闈蒲櫂以鴈作龍標橋李椒盤而巖名鵲喜或冊

榮木堂集

卷之一賦

六

或輿亦步亦騎移情者嶽雲湖雪氣欲浮天驚魂
者淞浪浙六聲來捲地山川爲我分開顧今古有
人兮同志論學龍沙樊公致也之廬譚禪練江金子希也
也之寺崑山顧公九也贈玉兮禹穴錢公端也窺書容
臺董公思也授簡兮石樵陳公仲也問字登雲問太守
修也之樓擁吳魏諸公之篋載名僧以陸羽之
舟訪異人於君平之肆附建安七子之壇懸咸陽
千金之字秀州論社亦有朱雲朱子茂也費水潭

心更逢徐穉徐穉也一賦遺青眼者謬謂風流識紫芝
者耻言名利故未免交廣於雲霞而情生於文質
論宙函之蘭譜數百名流計吳會之芳辰四三除
憂景熟則奇呈詎高而樂附或常杜咸招或李郭
同沂每琴阮之漸闌當花月之並吐放艇波心倚
簫石足飲艷而竹肉凝雲談清則木蘭墜露皆得
助於江山尚追賞於韶護無何西陲豺虎噬楚突
燕王氣黯索兵氛液漩披荆棘以南還謀海嶠之

榮木堂集

卷之一賦

七

東遷重出秀江湖仙槎上鬱孤感廬陵勤王之蹟
而嘆岳侯之所以生虔噫嘻當日之事繫此二賢
水百曲而未足梅一折而可憐積江嶺之愁心盡
韶石以豁朕禹峽罨畫兮四壁曲江瑤玉兮半天
南華曉靄兮蓮跼羅浮離合兮珠嶼信黃虞之多
闕笑尉陀兮久專爾乃下梅梁過英山睨越秀以
浮樵頹巖岸之絕攀迨江鄉而浦濶遂郭喧而海
閒沉珠洲洑番禺攻環濠開嶺市粵足饒閨夜光

起分舉舫歌鐘沸分吳蠟欲將城而不夜獨辭堂
以無寒仙雜犀香之艦家矜珠翠之盤於我何有
我則靜觀登樓五層凭島一繚泛黃雲尋小攬香
山和君何公赴開閣之望楚雲奈御李之歡偶繚
經於鴈塔或論道於熊磻酒柳漿之冰雪燈貝葉
之斑斕名家勝友來授秘笈公卿故舊欲借飛翰
交遊則顏何沈謝推轂則富范歐韓峻東莞瓊山
之宇楊白沙增城之瀾望崖門風濤而魂斷淪西

榮木堂集 卷之一賦

八

樵雲乳以腸寬爰有會稽行人家弟所桐城逸史
方子密楊武陵心嶺表客星徐海鹽友玄洲高士
上奇金蘭實萃於此感江左之非時引湘騷爲知
已擊筑悲歌亂於羽徵命錦舫載紅兒滌晶盤貯
荔子携酒東華之花散帙雲淙之水陳秋滿公開
枰珠島之榕着展星巖之壘亦云快矣况乃崧臺
草奏督府調饑逆淑賦詩元公既醉監司假序閣
之筵守令倒登樓之屣欲使吐納風雲相助爲哩

如何不樂念母亟歸匪終軍之持節實彭澤之拂
衣黯韓瀧兮雪浪羨衡嶽兮鴈飛瞻宗周兮誰屋
將吾母兮採薇瀟湘之間有聞聲而嘆者曰是海
客之倦遊也朕子追叙勝事獨不及楚何哉子不
常登祝融上黃陵休枉人泛湘君倚晴川嘯洞庭
乎此中澄潭巨浸漾映儼樓者繡錯八纒綿邈千
里尚不足當東南之美歟吁客未悉也世有琤璜
日在几席心識家珍目忘嘆息人情哉遠者無暇

榮木堂集 卷之一賦

九

論有如徐考功江陵之學圃楊中丞鼎水之鄭莊
莊太史潭薤之榕園李宗伯湘臯之蘭寺衣帶盈
盈溯洄一水常使我領襲英多笙簧韵事矣今也
書燔祖龍人化遼鶴若玉甌之墮焉又何忍於嘆
喟且而亦知秦漢之間春秋之後乎自楚州以還
三江左右九派東西雄秀甲天下皆三楚之國也
庶幾在外者而猶安故重感於胸臆已焉哉汴園
海立兮奚禹功之執掌金泥玉檢兮何美人之奇

想英雄頓盡分山水寒餘乾坤之鹵莽步兵清思
豈有窮太冲白髮翻難長吾將齊生死混代謝
興衰一哀樂食煮太清栖心寂上託逍遙而侶象
罔也僕病未能聊以自廣

哀湖南賦

有序

杜少陵曰湖南清絕地萬古一長嗟今昔之感
深矣朕未有予所遭之荼也長沙山寇始自戊
寅皆與觀察高公嬰城借箸圍外廬舍火十日

榮木堂集

卷之一賦

十一

殆盡屬邑伏莽者四起兵燹相接癸未夏百日
不雨原塋如焚逆獻攻破武昌憐毒萬狀湖湘
以上潭城十萬戶昇左右邑皆燼於官軍雖勲
督諸公重剪荆棘撫降數萬與子遺錯處生無
聊矣予被徵監幕查慮匡陳時勢貼危眇無所
補偶畧畧沅撫衝雪入衡湖南七百里如行絕
漠武攸二鎮跋扈山間所見惟堯蓋甲騎掠野
之塵爾恰惻心魂爰作斯賦

夫玉衡列於鶉火流炎星成古郡嶽盡名川閱古
今之雲物愴代謝於風煙地要而英雄數據昔危
則戰守相牽爾乃黃陵羅口穆駿昭淵君山軒翥
九嶷舜阡其間千里黛靄波連周秦多萬乘之巡
幸漢魏爭鼎足之喉咽晉經畧以連帥唐節度之
中權是以累纂則舉罷勤王炎衰則三湘討卓嘆
潭州之焚壁宋祚全墟奏湖南之凱師明興正朔
蓋忠義有餘而兵火頻數若古存亾繫茲一角治

榮木堂集

卷之一賦

十一

則十萬人家亂則百千戎幄安則南北飽騰危則
江嶺膚剥遊其地者盡金銀生其鄉者守磽塉徒
清慧而能文皆軍旅之未學爾乃承平久生齒賣
徵黔兵轉蜀木金粟死生姦僞彫樸楚重困而潭
實半楚之租潭已荒而楚猶恃潭之穀漸野誦而
市克若火焦而水沃神堯徂落天造崩爲餉增遼
鄙賦竭封藩倍靡鳩毒網密魚翻迨二十載秦寇
在門江黃竄亂襄郢徵屯胥弁騎塞守令煩冤舉

沿湘之州邑倍數糧之輟輟言祥鸞而獎鸞縱腐
鼠以嚇鵠於是斃寇倒牛礦衝迴鴈掠郊邑之帑
藏攻嚴城以梯棧燬郭千家焚林四岸士女驟見
此儻將吏初矜焦爛募從軍之蕩子建開府之新
旄臺榭撤而樓櫓章服易乎箭袍棘上弄兵有如
兒戲尊前講武遂謂英豪目屢踈而獸鬬尾盡赤
而魚勞火雲枯河兮見底焚或入楚兮生毫一旦
竹房脫距鄂渚燎毛長驅賊隊直上湘臯帝子宵

榮木堂集 卷之一賦

十二

遷撫臣潛別路將款漁陽之轡司李恭公道灑常
山之血遂令我薦者御史劉公慷慨於死綴賦鸚
者孝廉馬悲歌以截舌蜂初壘而稱王猴沐冠而
就列聲渠貫嬰駒槽剖妾即伐塚於宛丘尉模金
於王穴縫掖擬長平之坑踣腕比京觀之垓於是
三藩寶玉賁入盜囊百隊嬪闈雜隨逆節龜龍委
而厠盈牛馬驅而廐絕所過輒風霾已去猶冰雪
薄江粵之黃氛走沅湘而赤戰驍騎十日五日塵

鸞鏡千家萬家歟詢宗黨而老嫗吞聲指原野則
遊魂嗚咽從來樂土非古戰場既賊梳而兵篋每
賊去而兵颺爰有逍遙左次竄伏夜印接燐縱火
張機恢疆燔百城之闌閭烈三月於咸陽水覘魚
墨颺疾蛇行炮烙大索人流膏肪創印更資之狙
獒子遺誤盡於壺漿荆棘瓦礫陰陰荒荒孝秀咸
辜於迫脇通逃再蒞而壽張肯聞市虎來縛羴羊
或人鬼相遭於路則人弱而鬼彊悲夫湖湘士女

榮木堂集 卷之一賦

十三

半成赤渭之魂江表戍行再踵黃巢之亂妖射日
而斥遷馬渡江而比墓一望中原妻朕腸斷爾乃
攀轅太守嶺公揮淚重來浮漢中丞何公騰孤
光再旦陳清斜之萬骨方招文廬陵之孤軍復扞
雉草故宮止茂荒館無李郭而徒傷二京寧耿鄧
而思興中漢始讀詔以云哀見似人而即喜鐵騎
叛而初歸澤鴻散而還止撫赤眉銅馬之雄官鎖
尾流離之子已而幕府羣開噴書頻使一路丘壘